

新昌 呂安世原輯
紹興 蔡東帆增訂

八冊

中華全史通俗演義

上海大東書局發行

民國八年六月一日出版
民國八年六月十日發行

中華全史通俗演義（全八冊）

定價大洋一元五角

外埠酌加郵費滙費

此書有作翻必
著權印究

原輯者

新昌呂安世

增訂者

紹興蔡東帆

發行者

上海大東書局

印刷所

上海大東書局

發行所

大東書局

上海四馬路中市

中華全史通俗演義卷八

新昌 呂撫 安世 原輯 紹興 蔡成 東帆 增訂

第四十一回

雍乾朝拓版圖清室全盛

詩曰 一代梟雄算泰陵。相傳文獻豈無徵。禁門未闢刀光落。惡報原來總有憑。

六秩皇圖付史編。武功文治邁前賢。華夷混一天難限。此是清朝極盛年。

却說皇四子胤禛嗣位。改元雍正。即世宗憲皇帝是也。即位後。命貝勒胤禩。十三阿哥胤祥。與大學士馬齊。尚書隆科多。總理事務。復命撫遠大將軍胤禔回京。一切軍政。由川督年羹堯接續辦理。世宗之得立也。內恃隆科多。外倚年羹堯。故親政後。即有是命。元旦受朝。頒硃諭十一條。訓飭各省督撫。以下文武各官。詞多嚴厲。至八月。定建儲特例。密書太子名。置諸匣。藏置宮中正大光明殿匾後。別書密旨。貯內府。留待對勘。垂為永遠家法。又增改官制。收攬政權。清初官制。多仍明舊。封奏章疏。屬通政司。稽察部曹。屬六科給事中。票擬批答。屬內閣。參贊要政。屬議政王大臣。世宗命諸臣密奏。直達。不由通政司間接。六科給事中。隸都察院。不另分曹。增設軍機處。以滿漢大臣充職。選部曹及閣祿為僚屬。稱軍機章京。職司在密。擬諭旨。明頒內閣。或暗遞外臣。因此內閣無實權。議政徒存虛名。不過為滿人之兼銜而已。會青海作亂。即命川督年羹堯為大將軍。率提督岳鍾琪等討之。青海本唐吐蕃地。明時為蒙古部酋所據。清順治時。和碩特部長固始汗。嘗遣使通貢。康熙朝。嗣子達什

巴圖爾復入朝。達什卒。子羅卜藏丹津嗣。隨清軍征藏有功。丹津以下諸部長獲封王公者甚多。丹津欲乘機獨立。竟於雍正元年召諸部與盟。令屏棄清封。各復故號。自稱達賴陣台吉。統領諸部。時策妄阿布坦猶為準部長。丹津陰約為援。脅從番眾二十餘萬。分寇西寧。惟其同族郡王額爾德尼及親王察罕爾津不從。先後挈族內奔。世宗令兵部侍郎常壽往撫。反被執。於是年羹堯奉命出西寧。分兵四守。飭岳鍾琪巡弋邊疆。相機勦撫。自川邊至西寧一帶皆征服。丹津技無所施。乃送還常壽。并謝罪。世宗知丹津窮蹙。益促令羹堯進兵。羹堯擬緩期四進。鍾琪議兼程直搗。上於朝。世宗從鍾琪策。令專任西征事。鍾琪於雍正二年出師。日夕迅赴。殲敵中哨探。直入丹津所駐地。丹津衣番婦衣遁。其母弟及妹不及奔。皆就俘。降番眾數萬。追丹津不及。乃還。青海部落悉平。特設西寧大臣轄之。鍾琪受封三等公。羹堯於雍正元年已授三等公。至此進爵一等。父遐齡亦封一等公。長子斌得子爵。次子富得男爵。羹堯坐是驕恣。入覲時。公卿有跪迎者。羹堯不之顧。在世宗前亦箕踞無人臣禮。世宗皆優容之。相傳羹堯與世宗為潛邸交。胤礽之廢。主謀者實世宗。羹堯與有力焉。故寵遇特隆。既而胤礽死於禁所。胤禩等有後言。世宗先遣置胤禳於西寧。革胤禩胤禛郡王爵。復出胤禩守陵。以孤胤禩之勢。胤禩益不平。對眾呪咀。且與胤禳往來通訊。有異謀。世宗為文告廟。屏胤禩胤禳於宗籍外。逮禁之。改胤禩名為塞思黑。胤禳名為阿其那。滿語所謂豬狗也。胤禩胤禩俱坐罪禁錮。阿其那塞思黑。且於雍正四年先後暴斃。六年復降詔。親王胤祉為郡王。責其失人臣禮。尋復拘

禁終世宗朝。惟胤禔得復爵。餘不赦。世宗之待遇兄弟。刻薄甚矣。胤禔既得罪。年羹堯亦同時被劾。改調杭州將軍。幕客有勸其叛者。夜觀天象。喟然曰。事不諧矣。至杭州連降十八級。為駐防防禦。罰守湧金門。羹堯素嚴厲。部屬違命。立殺無赦。守城時。常薪賣菜者。猶不敢出其門。曰。年大將軍在也。其餘威尚如此。羹堯卒。以是伏辜。廷議列九十二大罪。詔令自盡。父兄皆革職。子年富處斬。餘子戌邊。羹堯記室汪景祺。著有西征隨筆。涉及聖祖事。斥為大不敬。斬立決。妻子為奴。此為雍正三年事。越二年。尚書隆科多又獲罪。隆科多為孝懿皇后父佟國維子。襲公爵。官吏部尚書。加太保。世宗嘗以舅舅稱之。羹堯之獄。隆科多以徇庇獲譴。削太保職銜。河南撫臣田文鏡。復希旨彈劾。廷議為四十二重罪。律應誅。改為永遠禁錮。諸子革職充戌有差。隆科多曾奏稱仁廟升遐。嘗帶匕首衛世宗。又言白帝城受命之日。即死期已至之時。後人目世宗為隋煬。隆科多為張衡。有由來也。世宗除親親王。殺功臣。復徧置巡察。臣下有纖細事。無不聞。刑賞多出人意料。王殿撰雲錦。嘗於元旦朝賀。歸約友人作葉子戲。尋失一葉。覓不獲。乃罷。越宿召對。世宗問元日何事。王以實對。世宗嘉其不欺。出袖中一葉還之。故其時王公以下。隔宿無事。即相賀。清代君主之嚴刻。莫過於此。且吹求文字。株連大獄者。凡數次。禮部侍郎查嗣庭。典試江西。出題為維民所止。訐者謂去雍正二字之首。并以嗣庭日記有悖亂語。立逮下獄。病歿。仍戮其屍。其子坐死。家屬流放。未幾。御史謝濟世注釋大學。毀謗程朱。指為怨望朝廷。坐罪遣戍。粵人陸生枏。曾在軍前効力。作通鑑論十七篇。論封建養兵。隋煬等事。

目為狂逆。命即正法。又有曾靜呂留良一案。慘戮尤甚。留良號晚村。浙江石門人。嘗評選時文。有論夷夏之防。及井田封建等語。湖南曾靜慕之。聞留良已死。乃與其徒嚴鴻逵。沈在寬等相投契。並復以川督岳鍾琪為宋岳飛後人。令徒張熙投書鍾琪。勸其反正。歷數世宗罪惡。如害父偏母。弑兄屠弟。貪財好殺。耽酒淫色。戮賢共九條。鍾琪以聞。立拘曾靜。張熙解京。並命浙督李衛拿解案內人犯。到京訊讞。讞定。鴻逵已病逝。劉尸梟示。沈在寬凌遲處死。殺李留良子毅中。并戮留良尸。罪犯子孫遣戍。婦女入官。獨曾靜張熙以誤聽流言。得免罪釋放。特刊大義覺迷錄。頒行全國。既而又殺庶吉士徐駿。以其所著詩文有譏訕語故也。專制既固。復勤遠略。遣內大臣四格。侍郎圖理琛。暨外蒙古郡王策凌。與俄羅斯使臣薩瓦。勘定漠北蒙古。與俄屬之西伯利亞界綫。西起博木沙奈嶺。東至額爾古納河。為兩國分界。所立約章。如通商傳教之制限。置吏安邊。馳驛遞書。置堡互市之地點。以及互交逃犯。各禁偷越等事。共十一條。是為雍正五年之恰克圖條約。是年。準酋策妄阿布坦死。子噶爾策零嗣。遣使特磊入朝。世宗以羅卜藏丹津。曾由青海竄入準部。先時曾向策妄索交。不報。至是復諭特磊。令還執丹津以獻。策零仍不奉詔。世宗議討之。大學士朱軾。都御史沈近思等。奏從緩。獨大學士張廷玉。與世宗同意。議遂決。令領侍衛內大臣傅爾丹。出屯阿爾泰山。自北路進。川陝總督岳鍾琪。出屯巴里坤。自西路進。策零佯請獻丹津。以緩清師。陰遣大小策零敦多布。率眾內犯。傅爾丹出軍拒之。至科爾多。誤信敵探言。以萬人襲博克托嶺。抵和通泊。遇伏被圍。後軍往援。索倫兵先

遁諸軍繼潰。副將巴賽查納弼等皆戰死。傳爾丹僅率二千人遁還。詔降傳爾丹職。命專守外蒙古。代以順承郡王錫保。又令大學士馬爾賽屯歸化城。為後援。準部小策零多布乘勝侵外蒙古。由間道入三音諾顏部境。三音諾顏舊屬土謝圖部。自額駙策凌留京尚主。攜眷北歸。乃許其獨立。為三音諾顏部。三音譯言善也。諾顏譯言君長也。策凌善用兵。聞小策零至。迎戰於鄂登納楚河。擊走之。詔晉封為親王。時雍正九年也。翼年噶爾丹策零大舉入寇。順承郡王錫保檄策凌禦諸本博圖山。策凌西出噶爾丹策零偵知之。潛襲其帳於塔密爾河。盡掠子女牲畜。策凌聞警。告急錫保。請夾攻。自率兵馳還。遇準兵於額爾德尼昭。大破其眾。奪牲畜無算。而錫保兵不至。策凌復檄馬爾賽邀擊。截其歸路。馬爾賽亦按兵不動。噶爾丹策零遁歸。事聞於朝。詔賜策凌超勇名號。誅馬爾賽。削錫保爵。并以岳鍾琪久屯老師。召還奪職。交兵部拘禁之。命平郡王福彭代錫保任。副以策凌。適噶爾丹策零遣使乞和。世宗亦厭用兵。許之。乃班師。會雲貴總督鄂爾泰。改定苗疆。奉召入覲。授職大學士。襲封襄勤伯。岳鍾琪之被劾。鄂爾泰為領銜。世宗即命為陝甘經略。班師後。鄂爾泰還。至雍正十三年。貴州苗疆復亂。苗民向居南嶺中。為上古九黎三苗遺裔。歷代令其自治。第選其酋長為土司。餘不問。苗民習成獷悍。往往四出焚掠。屢為邊患。鄂爾泰督雲貴時。始改土歸流之議。令游擊哈元生總兵石禮知府張廣泗等。勦撫互用。開苗疆二三千里。幾當貴州全省之半。雲南廣西諸苗酋亦相率震懾。先後繳印。納軍械。惟台拱九股苗尚未附。巡撫元展成蔑視之。遽遣兵屯駐苗疆。吏又苛切。

激變台拱苗遂發難。號召羣苗。逐戍兵。戕疆吏。連陷邊境各州縣。朝授哈元生為揚威將軍。與湖廣提督董芳會征。元生主勦。董芳主撫。詔復命張照為撫苗大臣。察其利害。照倡棄地議。密陳改流非策。全局幾盡變。鄂爾泰以前功不成。自請罷斥。乃奪伯爵。解大學士任。食俸如故。是年秋。世宗不豫。越日暴崩。或謂為呂四娘所刺。四娘。留良孫女也。當時大江南北。擅拳勇者八人。其首為僧了因。呂四娘次之。又次為曹仁虎。呂元路。民瞻。周琚。白泰。官甘。鳳池。世宗御極。屢飭各直省督撫捕甘鳳池等。卒未獲。獨呂四娘為祖復讎。有志竟成。相傳聊齋志異。有俠女一節。實隱指呂四娘事。所謂鬚髮交血模糊之頭顱。即元首也。宮中尚疑為妃嬪所為。經輔政大臣鄂爾泰。張廷玉等。力持大體。不致窮究。只雍正以後。妃嬪侍寢。須盡褫褻衣。外罩長袍。由宮監負入。復除外罩。裸體入御。所以嚴防行刺。乃知世宗暴崩。不為無因。世宗崩年五十八歲。皇四子寶親王弘曆。奉密旨嗣立。是為高宗。改元乾隆。高宗初政。矯嚴為寬。甫即位。釋宗室之圈禁者。復胤禩胤禵名籍。紀元後。赦汪景祺查嗣庭兄弟族屬罪。令回浙。二年。釋岳鍾琪於獄。復以傅爾丹陳泰。於雍正季年被禁。亦釋之。賜胤祿胤禔公爵。屢命刑部理獄減囚。頗有幹蠱之意。時苗疆未靖。張照等久出無功。逮之還。特擢張廣泗經略七省。統制諸軍。廣泗建暫撫熟苗。力勸生苗之策。乃分兵攻台拱苗。自率精兵設清江下流各寨。所向皆捷。苗眾盡竄入牛皮大箐。箐亘數百里。危巖叢樹。人迹罕經。廣泗飭諸軍分把箐口。以次進勦。俟苗眾饑困。冒險搗入。斬馘萬餘。其顛仆崖谷者不勝計。復搜勦附近熟苗。燬千二百四十二寨。赦三百

八十八寨苗疆肅清。高宗好文術。元年即試博學鴻詞。取劉綸等十五人。並授翰林院官。二年又補試。取萬松齡等四人。授職如前。六年。令各省探訪名人著作。旋復令內外各大吏。舉經術士。得陳祖范吳鼎業錫璣顧棟高四人。均授國子監司業。嗣後南巡江浙凡六次。所至地。輒召諸生試詩賦。榮以科第。無非偃武修文。歌頌昇平之意。乾隆十二年。大金川安撫司莎羅奔叛。於是兵端又開。金川在西蜀邊徼。為大渡河上流。分大小二支。以臨川諸山有金礦。故名。土俗信喇嘛教。清初從事羈縻。授小金川酋卜兒吉細土司職。繼復授大金川酋嘉勒巴演化禪師印。嘉勒巴孫孫莎羅奔。以從征西藏有功。封安撫司。勢漸強。小金川酋澤旺襲職。其妻阿扣。莎羅奔女也。阿扣有姿色。憎澤旺粗鄙。與夫弟良爾吉通。訴諸父。言澤旺有異心。令劫澤旺去。自與良爾吉縱淫。儼若夫婦。莎羅奔叛清。侵鄰近土司。高宗調張廣泗督川。率軍進剿。良爾吉至軍。詭請為兄復讎。廣泗信之。良爾吉密報莎羅奔。使為備。乃導清軍深入。為番眾所困。副將張興游擊孟臣皆戰死。高宗復命大學士訥親經略四川。起故將軍岳鍾琪赴軍效力。訥親至。銳意破敵。戰輒敗。喪總兵任舉。參將賈國良。自是不敢專軍事。仍委廣泗辦賊。廣泗以訥親不知兵。有輕視意。且仍信用良爾吉。莎羅奔竟以阿扣妻之。使通消息。鍾琪察其奸。言於廣泗。不見從。乃密奏其事。訥親亦劾廣泗。朝旨革廣泗職。逮京治罪。以大學士傅恆代訥親。傳至軍。誅良爾吉及阿扣。率岳鍾琪分道入。連克敵寨。莎羅奔懼。詣軍前乞降。高宗殺廣泗。賜訥親自盡。促傅恆班師歸。凱旋時。高宗親御紫光閣。行飲至禮。以諸葛郭子儀比傅恆。賞賚

特隆傳恒皇后富察氏兄也。相傳傳夫人嘗入宮。高宗幸之。后數請讓高宗。高宗不能堪。於乾隆十三年。率后東巡。至德州。逼后墜水。以暴疾聞。謚孝賢。或曰。傳恒子福康安。為高宗所出。故待遇其父子。始終從優。然傳恒固將才也。乾隆十六年。高宗復奉太后南巡。至杭州。獨幸海寧。故大學士陳元龍第。駐蹕安瀾園。海寧陳氏。夙稱鉅族。清初出仕者甚眾。陳說嘗仕工部尚書。說子世倌。及從弟元龍。皆官至大學士。高宗駐園。流連最久。及回鑾。議復古衣冠制。聞為太后所阻。不果行。後人疑高宗為陳氏血胤。致有世宗以女易男之說。未知確否。高宗繼后納蘭氏。與高宗亦不相協。屢反目。至乾隆二十七年。車駕又南巡。后與焉。比至杭。忽自翦髮。失其常度。先送還京師。次年病逝。滿洲舊俗。最忌翦髮。故高宗諭旨。謂其行事乖違。理應廢黜。姑存名號。以示優容。所有喪儀。止照皇貴妃例行。大臣諫不聽。及嘉慶五年。始改從后禮。或謂后以翦髮故。留杭州為尼。則係傳聞之訛。姑不細表。自大小金川乞降後。越七年。又有準部用兵事。準酋噶爾丹策零。以戰敗乞和。定議以阿爾泰山為準蒙分界。不相侵越。既而策零死。次子那木札爾嗣。童昏被戕。庶兄喇嘛達爾濟繼之。部眾不服。欲立其弟策妄達什。喇嘛達爾濟先發制人。殺其弟。并及貴族小策零子達什達瓦。達什達瓦部下薩拉爾率族內附。大策零孫達瓦齊。獨聯結輝特部酋阿睦撒納。襲殺達爾濟而自立。阿睦撒納。丹衷子。噶爾丹策零之甥也。丹衷父拉藏汗。為策妄所戕。丹衷亦被戮。其妻改適輝特部酋。有遺腹。生阿睦撒納。尋嗣為部酋長。輝特部游牧地。即土爾扈特故址。在塔爾巴哈臺。阿睦撒納既干涉準部。遂思擴充。

部落。先併吞杜爾伯特部。漸及準部邊境。達瓦齊為自衛計。屢遣兵攻之。阿睦撒納慮不敵。走降清。先是薩拉爾內附。曾請征準部。阿睦撒納至。慫恿益力。高宗乃遣尚書班第。率阿睦撒納出北路。陝甘總督永常。率薩拉爾出西路。於乾隆二十年春。入伊犁。達瓦齊走保格登山。清軍追擊之。復南竄。踰天山。入回疆。烏什城主霍吉斯。執之以獻。同時青海叛酋羅卜藏丹津。亦為清軍所獲。獻俘京師。高宗御午門受之。皆赦其死。論功行賞有差。阿睦撒納已封親王。至是食親王雙俸。時班第與西路參贊鄂容安。尚留伊犁。與阿睦撒納籌善後。阿睦撒納欲總長諸部。班第以聞。高宗不許。詔即軍中誅之。班第因兵少。不敢發。惟促之入覲。阿睦撒納中道遁。密召番眾。攻殺班第鄂容安。朝命策楞。玉保。富德。達爾黨阿等出討。皆無功。先後逮還治罪。遣巴里坤辦事大臣兆惠。及故親王策凌子成衮。札布。大發兵勦準部。兆惠出西路。成衮札布出北路。適西路諸部多內訌。又瘟疫盛行。兆惠兵至。皆敗潰。阿睦撒納窮奔入俄羅斯界。患痘死。清廷移檄索之。以尸歸。兆惠搜勦餘孽。所至無孑遺。舉厄魯特蒙古地。悉入版圖。建官築城。置伊犁將軍統轄之。今之新疆。省天山北路。及西域蒙古。即其地也。惟天山南路。舊為元太祖次子察哈台領土。數傳後。回教徒和卓木子孫。寔入其境。反客為主。握政教實權。回教遠祖為摩罕默德。唐時建大食國於西方。和卓木即其後裔也。準酋噶爾丹策零。曾拘和卓木兄弟。幽之大和卓木曰那布敦。小和卓木曰霍集占。消軍入伊犁。釋那布敦。送還葉爾羌城。使統舊部。留霍集占於伊犁。使掌教務。阿睦撒納叛。霍集占附之。阿走死。霍集占南竄。噶凡同叛。

乾隆二十三年。命將軍雅爾哈善討之。與敵遇。兩戰皆勝。兩和卓木入庫車城。將成擒矣。雅爾哈善不為備。被其宵遁。詔誅雅爾哈善以下諸將。命兆惠移師南征。翌年。兆惠轉戰至葉爾羌河。被圍。副將軍富德赴援。為敵所阻。不能進。會巴里坤參贊阿里衮。以兵六百夜至。與富德大呼馳薄。敵驚遁。兆惠亦突圍破敵。同還阿克蘇。乃議兩路進師。連戰皆克。兩和卓木皆遁去。清軍追至巴達克山。山酋素勒坦沙。擒殺兩和卓木。函首送軍前。兆惠并籍其家屬以獻。霍集占有妃。國色也。體有異香。不假薰沐。回人稱為香妃。至是被俘入宮。處之西內。高宗欲納之。妃誓不從。且袖出刃示宮人曰。國破家亡。死志久決。第欲得一當以報故主耳。上如逼我。我志遂矣。太后微聞其事。屢戒高宗毋再往。會長至郊祀。高宗出宿齋宮。太后召香妃至。問其意。妃曰。死耳。太后使人縊之。及高宗得報。返視妃已早絕矣。面如生。猶彷彿含笑也。乃厚其棺斂。以妃禮葬之。未幾。又有烏什之亂。烏什係回疆一大都會。前城主霍克斯。曾擒獻達瓦齊。後被召入京。代以哈密伯克阿布都拉。哈密亦回城。伯克回官名。阿暴戾。不足伏眾。回疆辦事大臣蘇成。亦駐烏什。尤縱酒漁色。嘗宣召入回婦署。令侑飲侍寢。且使與兵役裸逐為樂。回民大憤。遂聚眾為亂。殺蘇成。及阿布都拉。阿克蘇辦事大臣卞塔海。與喀什噶爾納世通。先後馳勦。皆無功。朝命皆誅之。調伊犁將軍明瑞往討。圍其城。敵內潰。縛首逆以降。嗣昌吉城屯官張宴中秋。徧召回婦。迫使盡謳。亦為屯民所戕。都統溫福馳擊之。尅日即平。西域乃定。至乾隆三十一年。復有緬甸之役。緬甸與雲南接壤。吳三桂追明桂王。曾一至其地。雲南商民吳尚賢。

赴緬開礦。設茂隆銀廠。勸緬酋麻哈祖入貢。緬酋乃遣貢使至京。賞賚如例。旋滇吏以尚賢中飽。廠課執而斃諸獄。茂隆場亦解散。既而緬酋為木疏土司。甕藉干所篡。建新緬甸國。桂家及木邦兩土司不服。遂相攻。桂酋宮裏雁戰敗。遁入滇邊。滇督吳達善索賄不獲。遂之。轉投孟連土司。雁妻囊占美。孟連土司刁派春執雁獻滇督。留囊占欲以為妾。囊占襲殺之。奔孟艮。聞其夫為滇督所戮。籲請孟艮土司入犯邊境大震。朝命劉藻代吳達善。藻書生不知兵。檄總兵劉得成等三路防勦。皆敗績。詔削藻職。命大學士楊應琚代之。藻懼。自刎死。應琚至滇。遂孟艮土兵。檄緬酋內降。緬酋反引兵陷木邦。景祿副將趙宏榜赴援。敗還銅壁關。緬人入關肆掠。應琚匿不以聞。事發。逮應琚。調伊犁將軍。明瑞征緬。明瑞復木邦。進攻緬都阿瓦。以失道退歸。途次被圍。力戰死焉。高宗授大學士傅恆為經略。阿里衮阿桂為副將軍。再出征緬。緬酋甕藉牙已死。其子孟駸嗣。遣使乞和。詔不許。傅恆乃率水陸軍入緬。破緬兵於蠻莫江。入攻老官屯不下。將士多病瘴者。阿里衮卒於軍。緬酋再乞和。乃許之。緬允修表貢禮。及清師還。緬貢不至。其酋孟駸稱兵滅暹羅。暹羅緬甸之隣也。嗣暹民憤緬無道。推中國僑民鄭昭為主。驅緬人再興暹羅。都盤谷。既而昭遇弒。其子華統兵在外。入靖內亂。遂嗣位。通表清廷。受冊為暹羅國王。嘗侵緬報怨。緬酋孟駸弟孟雲嗣兄位。徙都避之。慮清為援。乃遣使乞封。定十年一貢制。暹羅之東為安南。舊分大越廣南二部。黎氏王大越。阮氏王廣南。康熙初。大越王黎維禕奉朝貢。冊封安南王。至乾隆朝。廣南土豪阮文岳與弟文惠起滅廣南。復入大越。安南嗣王

黎維祁出亡。乞援於清。高宗遣粵督孫士毅等率師討阮。出鎮南關。自諒山分道進。沿途破敵。直入河內。遂阮氏守兵。復黎維祁位。有旨令班師。士毅欲并俘阮惠。懸軍月餘。又驕不設備。阮兵乘間攻之。維祁挈家族先遁。士毅繼潰。提督許世亨以下皆死焉。高宗逮還士毅。代以傅恒子福康安。阮惠懼。更名光平。齎表謝罪。且言阮黎世讎。非君臣蠻觸自爭。不敢抗上國。願立廟祀死綏將士。并親覲京師。高宗嘉其恭順。許之。封光平為安南王。乾隆五十五年。高宗八旬萬壽。光平入朝。并祝嘏焉。大小金川復叛。莎羅奔從孫索諾木與小金川酋僧格桑。屢寇邊。僧格桑澤旺子也。莎羅奔曾釋澤旺近小金川。澤旺老病。僧格桑用事。聯結索諾木。訂攻守同盟約。川督阿爾泰不能制。高宗以其養癰貽患。賜自盡。命大學士溫福討之。以阿桂為參贊軍至金川。僧格桑不能敵。走大金川。溫福檄索諾木縛獻僧格桑。不應。乃與阿桂分軍進勦。溫福至木果木。為敵所襲。中槍死。師大潰。獨阿桂軍無恙。轉戰深入。索諾木恐。醢殺僧格桑。獻其尸。乞停戰。阿桂不應。攻益力。敵守亦益堅。自乾隆三十八年至四十年。各險乃迭下。索諾木及莎羅奔皆就俘。改兩金川為廳。直隸川省。戍以重兵。川邊乃安。阿桂獻俘京師。磔莎羅奔。索諾木懸僧格桑首於市。大賞功臣。照前年準回例。迨乾隆五十一年。臺灣土豪林爽文聚黨結天地會。官兵捕之。遂叛。陷彰化。新羅二縣。鳳山盜莊大田亦起應之。直犯府城。總兵柴大紀力禦獲全。翌年。福建水師提督黃仕簡。陸路提督任承恩。各以兵渡海至。累戰無功。惟柴大紀攻克諸羅。詔逮回黃任二人。代以閩督常青。及將軍恒瑞。又畏縮不敢前。敵愈熾。合圍諸羅。

賴大紀固守。得不陷。朝命福康安代常青。海蘭察代恒瑞。又命大紀捍衛兵民出城。再圖進取。大紀以諸羅為府城保障。奏請死守。高宗覽奏。至垂淚。立封大紀義勇伯。改諸羅為嘉義縣。福康安至臺灣。賴海蘭察力。連戰皆捷。馳入嘉義城。乘勝進攻。擒林爽文。俘莊大田。大紀反以忤福康安獲罪。福康安之至嘉義城也。大紀出迎。不執橐鍔禮。福康安遂劾其奏報失實。會侍郎德成。自浙返京。亦劾大紀罪。提督任承恩逮至。供亦同。高宗信之。遂逮大紀至京。廷訊。大紀訴冤。高宗謂其始終負氣。命處斬。黃仕簡任承恩反減罪。後人疑福康安為龍種。其以此歟。厥後復命福康安海蘭察等。征廓爾喀。廓爾喀與後藏隣。自古不通中國。高宗七旬萬壽。後藏班禪喇嘛。入京朝賀。尋卒。貲送歸藏。其兄仲巴據其貲。弟瑪爾巴無所得。憤慙。廓爾喀導之入寇。藏人不能禦。高宗遣侍衛巴忠。及將軍鄂輝等往援。反調停賄和。陰令藏人給歲幣。達賴喇嘛持不可。喀兵復大舉深入。乃命福康安等。兼程馳勦。乾隆五十六年。清軍入藏。逐喀兵。盡復藏地。進攻廓爾喀。喀人乞和不許。福康安冒險輕進。為敵所敗。賴海蘭察馳救得免。乃許喀人和。定五年一貢例。先是雍正二年。曾設駐藏大臣。正副各一人。監藏政。至此復留兵戍藏。并剏達賴班禪相傳法。頒金奔巴瓶於西藏。大招寺。遇達賴班禪轉世化身。互報差異者。書明於籤。納諸瓶中。由駐藏大臣會同喇嘛等掣之。自此垂為常制。惟藏俗迷信宗教。地廣人稀。向有一夫多妻。及一妻多夫之習。地不開闢。民不蕃。雖設駐藏大臣。大都尸位素餐。未知教化。殊可惜也。清室版圖。以此時為最廣。國勢亦最盛。高宗厯圖功臣像於紫光閣。并親製十全記。

以昭武功十全者。兩平準噶爾。收回部。再定金川。靖臺灣。服緬甸安南。並降廓爾喀。至再是也。每遇凱旋。賜宴賦詩。輒與羣臣相唱和。又令羣臣編撰巨籍。不下數十種。乾隆三十六年。開四庫全書館。網羅古今文籍。成一大部。令河間才子紀昀總其成。紀昀字曉嵐。長文學。善詠諧。與漢之東方朔相類。書成。以三部餉士林。於江蘇之鎮江揚州浙江之杭州。各建閣貯之。聽士人就觀。或傳寫焉。然殺故內閣學士胡中藻。戮浙江舉人王錫侯。及徐述夔。屍絞大理寺卿尹嘉銓。俱以文字遭忌。置諸重典。則仍一康雍故轍也。乾隆六十年。議內禪。自發密緘。立十五子。顯琰為太子。定於翌年禪位。大學士和坤等。諫阻不從。詔以明年為嗣皇帝嘉慶元年。欲知內禪情形。待至下回分解。

第四十二回

嘉道繼。兵禍興。國祚中衰。

詞曰 江山無恙夕陽西。空餘征馬聲嘶。休言禍亂本天機。一半君迷。狐鼠憑陵城社。豺狼

充斥京畿。上和下穆。又看伊苦我遺黎。

調寄畫堂春

却說高宗御極。盈六十年。多福多壽多男子。嘗有十全盛遇。五世一堂之諭。皇六子永瑤。曾繪成朝圖。進呈孝聖皇太后。高宗御題一詩。末句云。永綿奕載奉慈娛。其後即以永綿奕載四字。為子孫命名。乾隆四十九年。皇玄孫生。取名載錫。因於宮中懸五代五福堂額。誠古今帝王中所僅見者。高宗自謂即位之初。曾以周甲歸政告天。不敢上符聖祖。歷數故於六十年冬。決議受禪。王大臣等皆奉命維護。獨和坤不樂。和坤本滿洲官學生。應役鑾儀衛。選昇鑾輿。一日。駕將出。倉猝求黃蓋。不得。和

坤謂典守不得辭其責。高宗頗嘉之。旋召問。以奏對稱旨。擢總管。升侍衛。累遷至尚書。授大學士。自乾隆四十年後。嚮用益專。高宗最愛十公主。嘗使作男裝。隨駕微行。和坤亦從之。十公主戲呼。和坤為丈人。後竟下嫁於其子豐紳殷德。和坤故無學行。既得志。貪婪無厭。督撫如國泰。王曾望。陳輝祖。福崧。伍柱。納。滿。霖。輩。皆以受賕伏法。實則皆和私人。及罪發。無從蔽也。故乾隆初年。若史貽直。孫嘉淦。梁詩正。劉統勳。諸大臣。多以廉直稱。至晚年。和坤擅權。貪風大肆。清之衰。和坤為之也。高宗內禪。和坤恐失寵。阻甚力。高宗不從。即於嘉慶元年元旦。行內禪禮。尊高宗為太上皇。嗣皇顯琰即位。是為仁宗。先是黔苗石柳鄧聚眾為亂。湖南永綏苗石三保。鎮筸苗吳半生。乾州苗吳八月。同時蠢動。川湘黔三省邊境均戒嚴。雲貴總督大學士福康安。與四川總督和琳。湖廣總督福寧。奉命會剿。破石柳鄧。擒吳半生。獨吳八月負隅乾州。并據平隴。詭稱三桂後裔。僭號吳王。石三保。石柳鄧。皆走附之。勢轉盛。福康安平昔立功。多賴海蘭察。至是海公已死。失臂助。先後奏益兵數萬。不能收效。既而誘擒吳八月。八月子廷禮廷義。猶抗據如故。福康安和琳相繼歿。朝旨以侍衛額勒登保。德楞額。秦繼之。又令將軍明亮。自湖北往會。於是俘石三保。斬石柳鄧父子。及吳廷義等。燬吳氏廬舍。事未竣。而移征川楚之命下。川楚之亂。始自白蓮教首劉松。松安徽人。假治病持齋為名。造經呪惑人。旋被捕。遣戍甘肅。其徒劉之協。宋之清等。復授教傳徒。徧川陝湖北。日久黨眾。以同教子王發生。詭託明裔朱姓。煽民圖亂。事覺。各伏辜。惟劉之協遠颺。有旨大索。吏役徧閭閻。民情怨憤。湖北荊州教徒聶傑。